

歷史

本境建置沿革

上古三代為肅慎氏國南境漢晉北魏以迄隋唐
高句麗北境遼為定理府地金為婆速府路元為咸
平府西南境明為棟鄂部西境

國朝設大圍場鮮圍場地與鮮圍接壤名之曰票山
以由部領票採取參支因以命名光緒二年

盛京將軍崇實招民開墾設通化縣為通化縣北境
兼設柳樹河分防縣丞一缺二十八年

盛京將軍增祺奏請

龍崗以北劃通化頗養存養息養涵養直養愛養育

養蒙養健養安養休養東善養西善養興養思養撫

養宏養惠養引養培養和養二十一保改柳河鎮為

柳河縣設知縣一員典史一員三十二年

盛京將軍趙爾巽添設樣子哨分防巡檢一員隸於

政績

光緒二年

盛京將軍崇實設立地畝局派員丈放相度地勢定
為上中下三則上則無折中則二畝折一畝下則三
畝折二畝每畝收押租束錢一吊照費束錢一百文
發給盛京將軍大照永遠管業熟地當年升科生荒
三年後升科每畝歲征正課銀二分耗羨銀一分歸
通化縣征收正課年終彙解東邊道庫耗羨留支各
官廉俸役食等項之用四年設柳樹河分防縣丞一
員試辦委員榮懷滿洲正白旗人辦理未及就緒五
年撤省委員傅雲賜山東萊州府人接辦監修衙署
丈放街基設立集市規模粗具是年七月大水街市
被冲於坐補是缺十二年八月下憂回籍帽免山巡
檢王其昌浙江人署理是年十二月病故十三年昌

圖府司獄魯銘順天涿州人接署十四年七月大水
街市又被冲淹十五年冬撤省開原縣訓導李漫順
天府人補授二十四年病故試用巡檢王兆坦山東
濟甯州附生署理十月准補斯缺德凱漢軍旗人到
任二十八年春俸滿引
見試用縣丞沈崇達浙江山陰人署理是年八月改
設縣治自龍崗以北二十一保劃歸柳河升科地畝
歸柳河征收正課解交奉天財政總局耗羨番支各
官廉俸役食等項之用設治委員陳衍庶字晉凡安
徽懷甯縣舉人八月到任維時正值兵燹之後盜賊
充斥公設立鄉團實力搜捕先後拏獲賊匪七十餘
名正法地方賴以粗安二十九年六月撤省范公樹
升字高也浙江錢塘縣附貢生接辦到任後改修衙
署創辦牛馬稅勸民開墾孜孜圖治不遺餘力三十